



15 November 2021
15 November 2021
P.U. (A) 417

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PENDIDIKAN (PENGKAL, HARI DAN CUTI SEKOLAH) (PINDAAN) 2021

EDUCATION (SCHOOL TERMS, DAYS AND HOLIDAYS) (AMENDMENT) REGULATIONS 2021

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PENDIDIKAN 1996

PERATURAN-PERATURAN PENDIDIKAN (PENGAL, HARI DAN CUTI SEKOLAH)
(PINDAAN) 2021

PADA menjalankan kuasa yang diberikan oleh seksyen 130 Akta Pendidikan 1996 [Akta 550], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Pendidikan (Pengal, Hari dan Cuti Sekolah) (Pindaan) 2021**.

(2) Peraturan-Peraturan ini disifatkan telah mula berkuat kuasa pada 18 Mac 2020.

Penggantian peraturan 3

2. Peraturan-Peraturan Pendidikan (Pengal, Hari dan Cuti Sekolah) 1998 [P.U. (A) 197/1998], yang disebut “Peraturan-Peraturan ibu” dalam Peraturan-Peraturan ini, dipinda dengan menggantikan peraturan 3 dengan peraturan yang berikut:

“Tafsiran. 3. Dalam Peraturan-Peraturan ini—

“bencana” ertinya apa-apa kejadian bencana yang boleh menggugat atau mengancam keselamatan, kesihatan atau ketenteraman komuniti sekolah dan termasuklah—

(a) bencana alam termasuk banjir, ribut, taufan, gempa bumi, tsunami, ombak besar atau tanah runtuh;

(b) bencana industri termasuk letupan, kebakaran, pencemaran atau kebocoran bahan berbahaya di kilang, loji atau depot yang memproses, mengeluarkan atau menyimpan bahan berkenaan;

- (c)* kemalangan yang melibatkan pengangkutan, penyaluran atau pemindahan bahan berbahaya;
- (d)* keruntuhan bangunan atau struktur khas di dalam kawasan sekolah atau di luar kawasan sekolah;
- (e)* kemalangan udara;
- (f)* pelanggaran atau kegelinciran keretapi atau apa-apa sistem pengangkutan rel;
- (g)* kebakaran di dalam kawasan sekolah atau di luar kawasan sekolah;
- (h)* empangan atau takungan air pecah;
- (i)* kemalangan kimia, biologi, radiologi atau nuklear yang melibatkan pemasangan atau yang berkaitan dengan kemalangan itu;
- (j)* jerebu yang boleh menimbulkan keadaan kecemasan alam sekitar; atau
- (k)* apa-apa kejadian bencana lain yang diisytiharkan atau ditetapkan oleh Kerajaan;

“guru besar” atau “pengetua” ertinya seorang pegawai dalam Perkhidmatan Pendidikan yang dilantik oleh Ketua Pengarah Pendidikan untuk mengurus suatu sekolah;

“hari ganti” ertinya hari yang pendidikan hendaklah dijalankan bagi menggantikan hari yang tiada persekolahan atas sebab di bawah peraturan 6, 6A dan 10;

“komuniti sekolah” ertinya murid, guru, warden, kakitangan pentadbiran, penyedia perkhidmatan dan pekerja termasuk mana-mana orang yang dibenarkan untuk masuk ke dalam suatu kawasan sekolah.”.

Pindaan peraturan 4

3. Peraturan 4 Peraturan-Peraturan ibu dipinda dengan menggantikan perkataan “satu tahun” dengan perkataan “kalendar akademik”.

Pindaan peraturan 6

4. Peraturan 6 Peraturan-Peraturan ibu dipinda—

(a) dalam subperaturan (1), dengan menggantikan perkataan “satu tahun” dengan perkataan “kalendar akademik”; dan

(b) dalam subperaturan (2), dalam teks bahasa Inggeris, dengan menggantikan perkataan “read teacher” dengan perkataan “head teacher”.

Peraturan baharu 6A

5. Peraturan-Peraturan ibu dipinda dengan memasukkan selepas peraturan 6 peraturan yang berikut:

“Tiada persekolahan disebabkan apa-apa sebab.

6A. (1) Guru besar atau pengetua boleh, dengan kelulusan Pendaftar, menentukan hari tertentu yang persekolahan tidak dijalankan disebabkan oleh apa-apa sebab yang difikirkan perlu oleh guru besar atau pengetua.

(2) Hari yang persekolahan tidak dijalankan di bawah subperaturan (1) hendaklah digantikan dengan hari yang lain.”.

Pindaan peraturan 7

6. Peraturan 7 Peraturan-Peraturan ibu dipinda—

(a) dengan menggantikan subperaturan (1) dengan subperaturan yang berikut:

“(1) Guru besar atau pengetua boleh, dengan kelulusan Pendaftar, menentukan hari tertentu sebagai cuti peristiwa yang tidak melebihi empat hari dalam mana-mana kalendar akademik.”; dan

(b) dengan memasukkan selepas subperaturan (2) subperaturan yang berikut:

“(3) Dalam peraturan ini, “cuti peristiwa” ertinya hari yang diluluskan oleh Pendaftar sebagai hari cuti yang disebabkan oleh apa-apa majlis rasmi sekolah atau perayaan.”.

Pindaan peraturan 8

7. Subperaturan 8(3) Peraturan-Peraturan ibu dipinda dalam teks bahasa kebangsaan—

(a) dengan menggantikan perkataan “pendaftar” dengan perkataan “pengetua”; dan

(b) dengan menggantikan perkataan “tatatertib” dengan perkataan “disiplin”.

Pindaan peraturan 10

8. Peraturan 10 Peraturan-Peraturan ibu dipinda—

(a) dalam subperaturan (1), dengan menggantikan perkataan “darurat atau bencana alam” dengan perkataan “darurat, bencana atau penyakit berjangkit”;

(b) dengan menggantikan subperaturan (2) dengan subperaturan yang berikut: